



**R.P. Valerii Reginaldi Bvrgvndi Seqvani E Societ: Iesv,  
Praxis Fori Poenitentialis**

Ad Directionem Confessarii, In Vsv Sacri sui muneris ...

**Regnault, Valère**

**Mogvntiæ, 1617**

Cap. 8. De efficiente causa Sacramenti matrimonii,

---

[urn:nbn:de:hbz:466:1-78332](#)

tunc temporis ea de re tractabatur, vnde conicitur probabilitas, talia verba ex consensu in illam, prolati fuissent; ita, ut accipi debeant non quidem in sensu conditionali, sed in sensu exceptivo: sicut cum dicitur: Nullus adfuit nisi, aut quam, aut præterquam Petrus; sensus enim est, Petrum adfuisse, ceteros vero omnes absuisse.

## C A P . V I I I .

## De efficiente causa Sacramenti matrimonij.

## S V M M A R I V M .

- 52 Causa efficiens principalis sacramenti matrimonij est Deus, & secundaria coniuges.  
 53 Modus quo conficitur matrimonij sacramentum.  
 54 Solutio obiectorum quibus impugnatur, quod coniuges dicuntur causa efficiens sacramenti matrimonij.  
 55 Ritus, quibus Ecclesia in nuptiis vitur.  
 56 Quedam notanda de nupiarum benedictione.

**Q**uo d principalis causa efficiens sacramenti matrimonij sit Deus, constat tum per illud Matth. 19. Quod ergo Deus coniugi homo non separat: ] tum per rationem sacramentis omnibus communem, quam proponimus lib. 26, initio 5. cap. De causa vero secundaria, & ministeriali, seu de ministro: id quod Caius lib. 8. de locis Theologicis cap. 5. sensit esse Sacerdotem sacris & sollemnibus verbis coniuges benedicentes, refutatur bene à Bellarm. in lib. De matrim. cap. 6. 7. & 8. & à Thomas Sanchez, in lib. 2. dis. 6. Recepta vero lenititia est, cōtrahentes esse huius sacramenti ministros, illud sibi mutuo conferentes; vir quidem mulieri dicendo: Accipio te in meam: mulier autem viro, viciissim dicendo: Accipio te in meum: haec probatur efficacissime per definitionem Concilii Florentini in instructione Armenorum; que habet efficientem causam matrimonij regulariter, esse mutuum consensum, per verba de presenti expressum.

Vnde sequitur matrimonij sacramentum confici prolatione verborum, quibus coniuges consensum suum mutuum exprimunt: proindeque eos esse eiudem sacramenti ministros: cum sacramentum non aliter perficiatur à ministro, quam applicatione verborum ad elementum, tanquam forma ad materiam iuxta antedicta in lib. 26. cap. 3. Accedit quod in noua lege Christus non mutauerit matrimonij naturam: sed tantum eleuauerit ad esse sacramenta, prout Concilium Tridentinum, fess. 24, in initio latinis indicavit, dicens à Christo approbatum esse coniugium in statu innocentiae institutum: & ab eodem Christo, sacramentorum institutore, ipsi matrimonio adiungitam esse gratiam quae naturalem coniugium amorem perficeret, & indissolubilem unitatem confirmaret, coniugique sanctificaret. Et cum matrimonium in lege Evangelica veteribus connubib[us] per Christum gratiam praestet, merito inter nouas legis sacramenta conferri annumerandum. Iam vero de natura matrimonij est, vt sit contractus, adeoque aliorum contractuum naturam sequatur: que est ut contrahentes se suis consensibus exteriori expressis ligent: neque alijs quam ipsi, efficiant contractum. Accedit etiam, quod ex Concil. Trident. in ead. fess. cap. 1. matrimonium clandesinum: seu quod soli contrahentes inter se celebrant, verum ac ratum matrimonium sit, quamdiu Ecclesia illud non facit irritum: vnde satis intelligitur concordum Sacerdotis non esse de essentiis matrimonij: atque adeo quod ibidem Concilium ad matrimonium praesentiam Parochi requirit; nō esse, quod ex ea Christi institutione sit necessaria tanquam essentialis: sed quod Ecclesia pro potestate accepta à Christo, talem praesentiam constitutam conditionem, ita de cetero necessariam ad matrimonium, vt nolit ipsum absque ea amplius valere.

Sed obiecti potest primo, Collationem sacramenti matrimonij: cum sit actio sacra, require per sonam sacram, à qua perficiatur: quales non sunt coniuges. Respondendum est, quod sicut laicis concelebrum est, vt necessitate virgente, possent baptismum conferre: sic etiam eisdem concedi sacramenti matrimonij collationem: nam quia ipsum est à Christo institutum in quadam contractu, nec contraactus potest

fi: nisi per contrahebitum consensus: de necessitate fuit ut per coniuges contrahentes perficeretur.

Obiecti potest secundo, Concil. Trident. in cit. cap. i. precepere, vt Parochus mutuo contrahebitum consensu intellecto dicat: Ego vos in matrimonio coniungo In nomine Patris, & Filii, & Spiritus sancti: quæ verba ne falsa sint coniunctionis coniugum, seu matrimonij. Sacerdos debet esse causa efficientis. Ad quod Sanchez in fine citatae disput. 6. respondet: illorum verborum, Ego vos coniungo: sensum esse, coniunctos vos esse declaro; vel approbo coniunctionem vestram. Ex qua doctrina sequitur, quod idem auctor ibidem numer. 5. ex aliis habet: Sacerdotem culpam mortalis reum, non peccare mortaliter assidente matrimonio: quia non officia illud, neque benedictio quam facit, sacramentum est, sed tantum sacramentale seu ceremonia pertinens ad Ecclesiasticum ritum celebrandi matrimonium.

Cuius ritus summa haec est, quæ tangitur in cap. Nostrates, 30. quæ st. Quintus & à Gregor. & Valen. disput. 10. quæst. 1. puncto 6. sub finem, traditur his verbis, Sicut Adam & Eva à Deo benedicti fuerunt Genes. 1. ita in Ecclesia à Sacerdotibus, sponsi benedicuntur. Cuius benedictionis meminit Innocentius primus in Epist. ad Viennensem cap. 6. Item commendatur coniugium illorum Deo precibus & oblatione Eucharistie. Cuius oblationis meminit quoq[ue] Tertul. lib. 2. ad xvorem. Præterea velo obnubuntur in signum pudoris. Cuius ritus meminit D. Ambros. epist. 79. & lib. 1. De Abraham cap. 7. Item ad significandam munditiam vite, & posterioritatem sanguinis, copulantur virtus, candido & purpureo colore permixta. Item annulum sponsus sponsa dat in signum & pignus mutua fidelis & dilectionis ex Isid. lib. 2. De officiis Ecclesiasticis cap. 19. De coniugatis. Deinde monentur offici. De quo toto rituum genere Concil. Trident. fess. 2. 4. can. 11. sic statuit, vt anathematizat eum, qui damnatur benedictiones & ceremonias, quibus Ecclesia in nuptiis vitur: vt & cum qui dixerit prohibitionem solemnitatis nuptiarum certis anni temporibus, superstitionem esse tyrannicam. De quibus temporibus, in eadem fess. cap. 10. De reform. matrimonij sic habetur, Ab aduentu Domini nostri IESU Christi, usque ad diem Epiphanie, & à feria quarta Cinerum usque ad octauam Palmatis inclusive, antiquas solemnium nuptiarum prohibitions diligenter ab omnibus obseruari sancta Synodus precipit.

Nota obiter, quod licet secunda nuptia licet sint ex cap. Aperiant, & duob. leq. 31. quæst. 1. veteri tam earum benedictionem in cap. Vir autem, De secund. nupt. Itavt Sacerdos ea benedicens puniendus sit suspensione ab officio & beneficio, ex cap. 1. cod. titulo. De quare legendus est Nauar. in Enchir. cap. 22. num. 8. & 35. Nota etiam obiter licet mulieri sine infamie metu, intra tempus luctus, seu intra annum à morte mariti secundas nuptias inire: ex cap. penult. & ultmo De secundis nuptiis. Nota denique Sacerdotem benedicentes nuptias, debere esse Parochum contrahebitum: non autem alium, nisi de illius aut proprii Episcopi licentia ex Concilio Trident. fess. 24. cap. 1. Dereform. matrimonij. De pena qua incurrit à peccante in eo, vide in sequent. lib. tract. 2. num. 67. circa medium.

## C A P V T I X .

## De fine matrimonij.

## S V M M A R I V M .

- 57 Varij fines matrimonij.  
 58 Triplices bonum matrimonij, quo triplices eiusdem detrimen-tum compensatur.  
 59 Matrimonium quocunq[ue] fine contractum, est validum, si substatuerit in eo: alias non: vt si intendatur finis excludens consensum.  
 60 Aut finis repugnans matrimonij indissolubilitati aut excludens obligationem reddendum debitum, aut seruandi fidem, aut educandi susceptam prolem.  
 61 Intentio non implendi tales obligationes, de se non reddit matrimonium inualidum.